



Na osnovu Sporazuma o realizaciji programa poticajne proljetne sjetve za 2020. godinu, zaključenog između Federalnog ministarstva poljoprivrede, vodoprivrede i šumarstva, Ministarstva za poljoprivredu, šumarstvo i vodoprivredu Zeničko-dobojskog kantona i Grada Zenica, u skladu sa Programom mjera za unapređenje poljoprivredne proizvodnje u 2020. godini na području Grada Zenica broj: 01-45-11729/20 od 04.06.2020. godine, Grad Zenica objavljuje

JAVNI POZIV
za sufinansiranje proljetne sjetve
na području Grada Zenica u 2020. godini

I. PREDMET JAVNOG POZIVA

Predmet Javnog poziva je dodjela podsticajnih sredstava sa sufinansiranje proljetne sjetve za poljoprivredne proizvođače s područja Grada Zenica, a u skladu sa Sporazumom o realizaciji programa poticanja proljetne sjetve za 2020. godinu zaključenog između Federalnog ministarstva poljoprivrede, vodoprivrede i šumarstva, Ministarstva za poljoprivredu, šumarstvo i vodoprivredu Zeničko-dobojsko kantona i Grada Zenica.

II. NAMJENA I IZNOS PODSTICAJNIH SREDSTAVA

Podsticajna sredstva su namijenjena za poljoprivredne proizvođače koji su izvršili proljetnu sjetvu i zasnovali poljoprivrednu proizvodnju na području Grada Zenice. Javnim pozivom se vrši isključivo refundiranje troškova repromaterijala, a koji su nabavljeni u agrorokovima i prema normativima za pojedine kulture, te podrazumijeva:

- A. Sjemena
- B. Mineralno đubrivo
- C. Zaštitna sredstva

Ukupan iznos sredstava Javnog poziva iznosi 181.618,00 KM.

Maksimalan iznos podsticajnih sredstava po krajnjem korisniku iznosi 1.000,00 KM.

III. PRAVO UČEŠĆA

Pravo učešća na Javnom pozivu imaju poljoprivredni proizvođači koji imaju poljoprivrednu proizvodnju na području Grada Zenica, koji su upisani u Registar poljoprivrednih proizvođača i Registar klijenata, a koji imaju fiskalne račune, fakture ili druge dokaze o izvršenoj kupovini repromaterijala, odnosno



kupovini sjemena, mineralnog đubriva i zaštitnih sredstava za proizvodnju silažnog i merkatilnog kukurza, heljde, povrća (paradajz, paprika, krastavac, patlidžan, mrkva, cvekla, grah, luk bijeli, luk crveni, zelena salata, krompir i slično) i drugih poljoprivrednih kultura.

IV. POTREBNA DOKUMENTACIJA

Svi aplikanti po ovom Javnom pozivu, uključujući i poljoprivredne proizvođače koji su se prijavili na preliminarnu listu, za ostvarivanje podsticaja, dužni su dostaviti sljedeće:

1. Zahtjev (obrazac zahtjeva za prijavu na Javni poziv se može preuzeti na ulazu u gradsku upravu ili na web stranici Grada Zenica);
2. Dokaz o kupovini repromaterijala koji podrazumijeva: sjemena, mineralna đubriva i zaštitna sredstva. Pod dokazom se smatra:
 - a) za pravna lica i obrte: faktura i dokaz o plaćanju po fakturi za kupljeni repromaterijal - izdat na njihovo ime,
 - b) za fizička lica: fiskalni račun na kojem je vidljiv prodavač, vrsta i cijena repromaterijala;
3. Potvrdu banke o otvorenom računu;
4. Pravna lica i obrti su dužni dostaviti uvjerenje od Porezne uprave o uplaćenim obavezama - ne starije od mjesec dana.

V. PROVOĐENJE POSTUPKA PO JAVNOM POZIVU

Postupak po Javnom pozivu će provesti Komisija koju će imenovati Gradonačelnik. Komisija će izvršiti službenu provjeru upisa u Registar poljoprivrednih proizvođača i Registar klijenata. Nakon utvrđivanja ispunjenosti uslova za sufinansiranje proljetne sjetve na području Grada Zenica Komisija će sačiniti listu korisnika kojima će se odobriti isplata novčane podrške u visini koja će biti utvrđena nakon obrade svih pristiglih prijava.

VI. NAČIN I ROK PODNOŠENJA PRIJAVA

Zahtjev sa sa potrebnom dokumentacijom se dostavlja na protokol Grada Zenica, svakim radnim danom u periodu od 7:30 do 16:00 sati, u zatvorenoj koverti, lično ili poštom na adresu: Grad Zenica, Trg BiH broj 6, 72000 Zenica, sa naznakom „**Javni poziv za sufinansiranje proljetne sjetve**“.

Rok za podnošenje zahtjeva je 01.08.2020. godine.

Sve dodatne informacije u vezi sa Javnim pozivom se mogu dobiti u Službi za privredu i upravljanje razvojem Grada Zenica putem telefona: 032-447-706.